



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron 16 fulan-setembru tinan 2020

Konsellu Ministrus sorumutuk iha Palásiu Governu, iha Díli, no analiza ona **opsaun sira polítika-lejizlativa nian ba projetu Dekretu-Lei kona-ba alterasaun daruak** husi Dekretu-Lei no. 1/2007, loron 18 fulan-janeiru, kona-ba **Estatutu Orgánika husi Sekretariadu Tékniku Administrasaun Eleitorál (STAE)**, ne'ebé Ministru Administrasaun Estatál, Miguel Pereira de Carvalho, apresenta ona. Nia objetivu mak harii estrutura ida ne'ebé forte no adekua, nune'e, bele presta profesionalizmu no kualidade kona-ba oinsá organiza prosesu eleitorál hotu-hotu ba partidu polítiku no sidadaun tomak.

Aprova tiha ona projetu Dekretu-Lei, ne'ebé **estabelese Fundu Reserva ba Seguransa Sosiál (FRSS) no oinsá atu define ninia Modelu Jestaun rasik**, ne'ebé maka Vise-Primeira-Ministra no Ministra Solidariedade Sosiál no Inkluzsaun, Armanda Berta dos Santos, apresenta ona. FRSS ne'e membru Governu responsavel ba Seguransa Sosiál mak tutela no supervizona, no nia objetivu atu aseguira no iha ligasaun direta ho estabilizasaun finanseira no sustentabilidade husi rejime kontributivu Seguransa Sosiál nian, no ninia finalidade ne'ebé temi ona. Verba sira husi fundu ne'e foti husi Seguransa Sosiál no sei la konsidera nu'udar fundu públiku. FRSS sei administra no jere tuir rejime kona-ba kapitalizasaun públika husi estabilizasaun nian, hakruk ba kritériu seguransa nian sira, rentabilidade no likidés, ho kuidadu no tuir prinsípiu sira boa-governasaun nian hodi benefisia kontribuinte rejime kontributivu Seguransa Sosiál nian sira.



Palácio do Governo,
Avenida Presidente Nicolau Lobato,
Díli, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

Konsellu Ministrus aprova ona **projetu Dekretu-Lei kona-ba alterasaun dahuluk** ba Dekretu-Lei no. 3/2019, loron 5 fulan-marsu, kona-ba **Estrutura Orgánika Ministériu Saúde nian**, ne'ebé Ministra Saúde, Odete Maria Freitas Belo, apresenta ona. Alterasaun importante husi intervensaun ne'e mak harii Diresaun Nasionál Saúde iha Família, nune'e, bele kompleta atribuisaun sira husi Ministériu Saúde nian ne'ebé define tiha ona iha Orgánika Governu Konstitusionál VIII no liuliu atu responde di'ak liután ba dezafiu hirak-ne'ebé enfrenta iha nivel kuidaun saúde primáriu nian, liuhusi estabesimentu kondisaun legál no operasionál ne'ebé fasilita envolvimentu ema- no família barak liután iha atividade saúde nian sira.

Konsellu Ministrus aprova ona **projetu Rezolusaun Governu nian**, ne'ebé Ministru Turizmu, Komérsiu no Indústriá, José Lucas do Carmo da Silva, apresenta ona, atu halo nomeasaun ba Rosito de Sousa Monteiro, nu'udar **Vogál ba Konsellu Administrasaun Institutu ba Qualidade Timor-Leste, I.P** nian.

Ministra Negósius Estranjeirus no Kooperasaun, Adaljiza Albertina Xavier Reis Magno, apresenta ona **projetu Dekretu-Lei**, ne'ebé Konsellu Ministrus aprova tiha ona, ligadu ho **alterasaun dahuluk ba Dekretu-Lei no. 21/2020, loron 5 fulan-juñu, ne'ebé kria ona subsídiu temporáriu ida iha ámbitu atu hatán ba COVID-19, hodi fornese ba sidadaun Timor-Leste ne'ebé hela temporáriu iha estranjeiru**. Liuhusi alterasaun ida-ne'e sei abranje tan mekanizmu ne'e nia kobertura ba nasaun lubuk-ida, nune'e, aumenta mós númeru husi sidadaun Timor-Leste ne'ebé sei hetan protesau liuhusi subsídiu ne'e, iha momentu ne'ebé efeitu husi pandemia kontinua fó nafatin efeitu dramátiku ba mundu tomak. Nune'e, medida ne'e mós sei abranje, sidadaun Timor-Leste nian ne'ebé hela provizóriu iha Bangladesh, Bézika, Xina, Koreia du Sul, Reinu Unidu, Mosambike no Singapura.



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

Ministru Koordenadór Asuntus Ekonómikus, Joaquim Amaral, apresenta ona projetu Dekretu-Lei ida, ne'ebé Konsellu Ministrus aprova tiha ona, ligadu ho **apoiu atu rekupera no manutein atividade sira iha âmbito rekuperasaun ekonómika**. Projetu Dekretu-Lei ne'e ho objetivu atu estabelese apoiu oin-rua ba entidade empregadora sira, inklui traballadór pur-konta-própria, ne'ebé konsidera nesesáriu no adekuaudu tebes ba rekupesaun ekonómika. Nune'e, entidade hirak-ne'ebé tama ona iha rejime kontributivu seguransa sosiál, inskreve tiha ona iha sistema fiskál, ne'ebé hato'o katak sira lakon volume negósiu ka reseita no hakarak atu rekupera fali sira-nia operasaun, iha direitu ba dispensa parsiál ka sorin-baluk husi kontribuisaun mensál ba seguransa sosiál no atribuisaun montante pekuniáriu mensál ida, ne'ebé hanaran subsídiu apoiu nian atu rekupera ka mantein atividade ekonómika. Atubele hetan asesu ba apoiu ida-ne'e, entidade empregadora sira tenke tama ona iha seguransa sosiál to'o bainhira diploma ne'e tama iha vigór, enkuantu emprezáriu individuál sira, traballadór pur-konta-própria no traballadór doméstiku sira sei hetan asesu ba apoiu ne'e mézmu foin inskreve bainhira diploma ne'e tama iha vigór, maibé tenke inskreve nafatin iha seguransa sosiál, mínimu liu, fulan-tolu hafoin simu apoiu ikusliu. Atubele simu apoiu ne'e, entidade sira iha obrigasaun atu halo nafatin sira-nia servisu normál no loke nafatin ba públiku, la inklui benefisiáriu hirak-ne'ebe hetan impedimentu atuhalo sira-nia servisu normál, liuliu kompañia aérea no ajénsia viajen sira. Apoiu ne'e sei simu fulafulan, durante fulan 4 tuituir malu hafoin Dekretu-Lei ne'e tama iha vigór.



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

Ikusliu, Konsellu Ministrus aprova ona **projetu Rezolusaun Governu**, ne'ebé Ministru Finansas, Fernando Hanjam, apresenta ona, kona-ba **Alterasaun Dahuluk ba Rezolusaun Governu no. 13/2020**, loron 12 fulan-maiu, relasiona ho **Valór Suplementu Remuneratóriu ba funsionáriu, agente no traballadór sira husi administrasaun públika nian ne'ebé presta sira ida-idak nia servisu profisionál atu halo prevensaun ka kontrolu ba moras COVID-19 ka sira-ne'ebé halo servisu direta atu tau-matan ba ema hirak-ne'ebé afeta husi SARS-CoV2 durante períodu estadu emergjénsia**. Rezolusaun mak aprova tiha ona hamosu atu define valór suplementu renumeráriu ne'ebé sei selu ba kategoria profisionál sira ne'ebé aumenta ona ba Dekretu-Lei no. 34/2020, loron 2 fulan-setembru, ba planu ne'ebé hatuur iha Dekretu-Lei no. 17/2020, loron 30 fulan-abríl.

REMATA



Palácio do Governo,
Avenida Presidente Nicolau Lobato,
Dili, Timor-Leste